

Augsburg, 1. Oktober 1572

An Matthias Ritter d. J.

Abschrift: Staats- und Universitätsbibliothek Hamburg, Sup. ep. 2, fol. 147r-v (S. 277f., Nr. 120).

S. Existimo Te Reverende Vir, Domine Patrone Colende, Literas meas, quas tuo nomine à me efflagitavit Stenglius et promisit ante solstic[ium] accepisse: quibus et νεογαμίαν et εὐπαιδείαν tib[i] sum gratulatus: et aetatis excusatione vsus, quò minus vel in isto genere vel in tractatione rerum Theologicarum Te invitar (!) (recte: imiter): Nunc verò scribendi mihi praebet ausam, occasionem vir ornatissimus Io[annes] Ba[ptista] Hanzelius (!) Consularis et septemvir Augustinus (!) Ep. m. patronus. Is filium Marp[urgum] mittit è Galliis profugum, quem tuae Humanitati sic commendo, ut quicquid in eis (!) officii (idque siue sumptu et molestia tua) contuleris mihi tributum sim existimaturus. Scio autem quanti me facias, neque commissurus sum, ut amore abs Te vincar quem virum probum, pium, eruditum, constantem amicum per annos complures sum expertus. Vale Augustae Cal[endis] Octobris Anno 1572.

Hiero[nymus] Wolffius Tuus.